

**AKPA YE UKPEREDEM EDIM**  
**Joel 2:21-32; Utom Mme Apostle 2:1-47**  
**QYQHQ UKPEP-ÑKPQ 66**

**Eke Ikpọ Owo**

**IKQ IBUOT:** “Edi mbufo eyebọ odudu, ke Edisana Spirit ama edi edidoro mbufo ke idem: mbufo eyenyuñ edi mme ntiense Mi ke Jerusalem, ye ke ofuri Judea ye Samaria, tutu osim utit ererimbot” (Utom Mme Apostle 1:8).

**I Ntiñ-nnim Ikọ Joel**

1. Ini itoro ye idara eyedi, Joel 2:21, 23, 26; Utom Mme Apostle 2:46, 47
2. Ntak idaresit oto ke eñwọñọ akpa ye ukperedem edim, Joel 2:23
3. Edidi ini uko, “Ndien ikọt Mi idikwe but ke nsinsi” Joel 2:26, 27; Utom Mme Apostle 4:13; 14:3
4. Eyeñwaña Spirit Abasi qyqhọ-qyqhọ enọ mme owo, Joel 2:28, 29; Utom Mme Apostle 2:4

**II Usen Pentecost**

1. “Emi edi se prophet Joel eketiñde” Utom Mme Apostle 2:16
2. Edinam-asana ama anam mmọ edu ke esit kiet, Utom Mme Apostle 2:1; John 17:11-23; Mme Hebrew 2:11
3. Enọ Edisana Spirit ye idiññọ edisem nsio-nsio usem, Utom Mme Apostle 2:2-13
4. Peter ọkwọrọ ikọ ye uko oto odudu Spirit, Utom Mme Apostle 2:14-36
5. Tọsin ita ekabare esit oto ke Odudu Edisana Spirit, Utom Mme Apostle 2:37-47
6. Eka iso eñwaña Edisana Spirit enọ, ukem idiññọ onyuñ etiene, Utom Mme Apostle 10:46; 19:6

**III Akpa Ye Ukperedem Edim**

7. Nte esidide akpa edim esidep ke ini utọ, Deuteronomy 11:14; Hosea 6:3; Joel 2:23
8. Ukperedem edim esidep mbemiso ini idọk, Joel 2:23; Jeremiah 5:24
9. Ukperedem Edim Spirit ekedep ke akpa ọfiñ emi edide “Abib” ọfiñ mme Jew, oro edi ọfiñ nnyin April, 1906, Joel 2:23; James 5:7; Utom Mme Apostle 2:39.

**SE EKPEPDE EBAÑA**

**Eke Ikpohidem Ye Eke Spirit**

Ke ibuot 2, ufañ esie 21-27, Joel etiñ abaña mme edidiñ eke ikpohidem emi Abasi ọnọde; edi eda ñkpọ ikpohidem edomo ye eke Spirit. Ediwak idaha ke ini utom ukwọrọ-ikọ Christ ke isọñ, Enye ekesida mme ñkpọ uwem eke ekande Enye ekuk odomo ye mme uyai edidiñ Spirit. Ke Palestine akpa edim ekedi ndinam isọñ otim ọfọn ebeñe mkpasip; ukperedem edim ekedi ndinam mfri edat ebeñe idọk. Eñwọñọ mme edim emi etiñ ebaña edidiñ ikpohidem ye eke spirit emi Abasi ediñwañade ọnọ ikọt Esie:

**“Ndien ama ekem ke ini ñkpọ emi ebede, ñyeñwaña spirit mi nnọ ofuri obukidem; ndien nditọ-iren mbufo, ye nditọ mbufo iban eyetiñ prophecy, mbiowo mbufo eyedaba ndap, mkparawa mbufo eyekut ñkukut. Nyenyuñ ññwaña spirit mi ke eyo oro nnọ ifin-iren ye ifin-iban mbufo” (Joel 2:28, 29).**

**Obufa Ñkpọ**

Nnyin imekeme ndikut nte ke ediyarade akana enyene ata ukpuhọre akan nte ekedide ke akpa, ke ido nte Abasi ekesinamde ñkpọ ye ikọt Esie. Ke ini eset ndusuk owo ema edu emi ekesikamade mme itie utom Abasi. Mme oku ekena emana ke ubon Aaron man mmọ ekeme ndinam utom idaha oku ke idaha ke idaha. Mmọ emi ekedide mme anditiñ ntiñ-nnim ikọ ekebọ saña-saña ikot eto Abasi. Edi mi, Abasi onim ini eke Enye ediñwañade spirit Esie ọnọ ofuri obukidem. Nditọ iren, ye iban, ifin-iren ye ifin-iban eyetiñ ntiñ-nnim ikọ, mme, ndikwọrọ Eti-mbuk akpanikọ emi ye ifiok Abasi. Ini ntem ekenyene ndidi ini eke qyqhode ye ubọñ! Ke Utom Mme Apostle 2:16 nnyin imokut ite ke Usen Pentecost, Peter ama adaha ada onyuñ ofiori ete, “Emi edi se prophet Joel eketiñde”

**Ke Esit Kiet**

“Ekem ke ini osimde usen Pentecost, kpukpru mmọ edu ọtọ kiet” (Utom Mme Apostle 2:1). Ufañ-ñwẹd emi ayarade ata akpanikọ. Etiñ enọ nnyin ke ñwẹd Mme Hebrew 2:11, “Koro Andinam owo esana, ye mmọ emi Enye anamde esana eto kiet” Mmọ edu ọtọ kiet, enyene ekikere kiet ye esit kiet ke Eti-mbuk. Mmọ emi enamde esana ikpọñ-ikpọñ ekeme ndidu ke esit kiet ke akpanikọ. Jesus ama ọbọñ akam abaña mbet Esie ete enam mmọ esana man mmọ ekpedi kiet. (Se ke John 17). Ema ebọrọ akam oro, ema enyuñ enam mmọ esana ofuri. Kpukpru mmọ ekedu ọtọ kiet ye ke esit kiet.

Odu mmọ emi enyimeede ukpep-ńkpọ edinam-asana, edi mmọ ekot edinam-asana Uduọk-mmọń Edisana Spirit. Ikọ Abasi etiń ọnọ nnyin ete ke edinam-asana edi utom edisio kpukpru ndek mfep, nyet nnam asana emi adade itie ke uwem owo emi ama ọkọbọ erinyaña. Enye edi saña-saña utom mfọn emi adade itie idaha Kiet onyuu abiatde nda-mmọna idiọk-ńkpọ ke uwem owo. Ukem nte erinyaña ọkpuhọrede uwem owo ini kiet, efen onyuu osio idiọk-ńkpọ emi enamde ańwa-ńwa efep, kpa ntre ke edinam-asana osio “uduot Adam”, me nda-mmọna idiọk-ńkpọ efep.

### **Odudu**

Eridi uduọk-mmọń Edisana Spirit ekedi ndisọńọ eńwọńọ emi Jesus ọkọńọde mbet Esie ke ini Enye ọkọdọhọde ete, “Edi mbufọ eyebọ odudu, ke Edisana Spirit ama edi edidoro mbufọ ke idem”. Odudu! Odudu edi akpan ńkpọ. Nso ididi ufọn ukwak-unam-utom me ńkpọ utom emi odudu ndida nam utom miduhe? Akanam nte afo omokut obufa ubomusuń-ukwak nte adade ke usuń esie? Se nte enye eyede ada ye kpukpru mme ndido idem esie eken, baba ńkpọ kiet ibiarake ke esit esie, edi mmọń iduhe ke ńkpọ ufiop mmọń, ikań inyuń iduhe ke itie ikań. Sin mmọń ke ńkpọ ufiop mmọń ye ikań ke eso ikań, ibigikebigi akani ńkpọ oro esidade edomo ufiop ikań eyesańa akanade, ndien ubomusuń-ukwak oro eyetọńọ ndisańa, ye kpukpru ńkpọ emi eyirede ke enye. Edieke nnyin inyenede odudu emi otode ke enyọń, nnyin idisańake ke idem nnyin ikpọń-ikpọń edi iyeńwam mmọ oro esobode ye nnyin ndisańa. Abasi akpakam ọnọ nnyin odudu oro mfin!

Ekikere nnyin ye odudu nnyin edi ikpikpu ibọhọke nnyin ibọ odudu emi otode Spirit Abasi; ndien kpukpru enọ ye mbufiọk nnyin, kpukpru se nnyin inyenede eyesańa ukem-ukem ye Spirit Abasi. Kpa Peter emi akakańde Ọbọń esie, emi amakafiak etiene Abasi, ke ema ekeńwańa Spirit enọ mmọ, ọkọkwọrọ utibe ikọ Abasi ye odudu Edisana Spirit emi ekenọde oto Heaven. Tọsin owo ita ema ekabare esit.

### **Enyene Nnyin Mfin**

Ndusuk owo edọhọ ete ke uduọk-mmọń Edisana Spirit oro inyenekere nnyin mfin; ke ekedi ndida ntọńọ akpa ufọk Abasi. Peter ọkọkwọrọ ete, “Koro uńwọńọ oro enyene mbufọ ye nditọ mbufọ ye kpukpru mmọ emi edude nsan-nsan, adańa owo nte Jehovah Abasi nnyin edikotde etiene Enye” (Utom Mme Apostle 2:39). Oro enyene kpukpru owo tutu osim mfin emi, emi edinamde ekem nte Abasi onimde.

### **Idiọńọ**

Ndusuk owo etiń ete ke nnyin imekeme ndibọ uduọk-mmọń Edisana Spirit, edi ama edi idiọńọ edisem usem, oro idighe akpan ńkpọ. Nnyin ikot ite ke Usen Pentecost mmọ ekeyọhọ ye Edisana Spirit enyuń etọńọ ndisem nsio-nsio usem nte spirit ọkọńọde mmọ ukeme nditiń.

Ekeidi idiọńọ edisem ke mme usem akanam mme Jew efiọk ete ke Abasi ayak Edisana Spirit ọnọ Mme-Idut emi ekeidide mbon ufọk Cornelius. (Utom Mme Apostle 10:44). Abasi ke ọnọńọ mme andinim ke akpanikọ Edisana Spirit mfin ye ukem idiọńọ edisem ke mme usem.

Akamba ukpuhọre odu ke uduọk-mmọń Edisana Spirit emi asańade ye idiọńọ edisem usem nte Nwede Abasi etińde ye nsio-nsio enọ eke Spirit. Nsio-nsio enọ edu ńko. “Nsio-nsio usem” edi enọ kiet, erikọk edi efen, ntiń-nnim ikọ edi efen ńko. Edikpep edi efen, edisuan etop Abasi edi efen, mbufotidem onyuu edi efen ńko ye mmọ eken. Edi ukpuhọre odu ke mme enọ emi nte Paul etińde abańa ke Nwede Corinth, ye edisem nsio-nsio usem ke usen Pentecost. Mikpedighe ntre, owo ikie ye edip emi ekenimde ke akpanikọ emi ekedude ke ubet enyọń ekpekenyene nsio-nsio enọ. Ke ini Iberedem ekeidide, ema eńwańa uduọk-mmọń oro enọ mmọ, kpukpru mmọ ekebọ ukem-ukem idiọńọ.

### **Kpukpru Ekedi Mme Jew**

Ndusuk owo edọhọ ete ke edisem mme usem ekedi ndinam mme owo emi eketode nsio-nsio idut nte Mesopotamia, Cappadocia, Libya, Egypt efiọk etop emi ekenọde. Utom Mme Apostle 2:5 etiń ọnọ nnyin ete ke kpukpru mmọ ekedi nditọ Jew ke ntre kpukpru mmọ ema ekop usem obio emana mmọ. Ke ntre edisem nsio-nsio usem ekedi idiọńọ, ikedighe man kiet okop se kiet eken etińde. Ukwọrọ-ikọ ye ukpep-ńkpọ Peter ikedighe ke ediwak usem, ekedi usem kiet. Mme owo ema ekop enyuń efiọk se ọwọrọde.

### **Mme Enyene Ifiọpesit ke Mbukpo Ido Ukpono-Abasi**

Ediwak mmọ emi inyenede ifiọp-esit mbukpo ido ukpono Abasi edu emi edade but ye esuene enọ Eti-mbuk Ukperedem Edim emi oto ke ukwań edisem mbufa usem ye ediwut nsu-nsu idiọńọ. Mme owo eyak idem mmọ enọ nsu-nsu usem ye mme idiọńọ ke ini mmọ eyomde uduọk-mmọń Edisana Spirit ye ikań ke mibemke iso inyene ata edinam-asana. Kpukpru ini Satan enyenyene abiańa enọ ndinọ mmọ emi mimaha ndinim Ikọ Abasi ke akpanikọ. Okposuk edi oro, ata enọ uduọk-mmọń odu okposuk andidiọk inyenede eke abiańa.

### **Akpa Edim**

Nte ekemde ye ntiń-nnim ikọ Joel, Abasi ama ańwańa spirit Esie ọnọ ofuri obukidem ke eyo mme Apostle. Emi ekedi Akpa Edim Spirit emi Abasi ọkọńwọńọde. Usen Pentecost ekedi ntọńọ, mme ini utọ ọnọ ufọk-Abasi Christ.

Abasi ama añwaña Spirit Esie ọnọ, ndien mbet ema eka ekekwoṛọ Eti-mbuk ke kpukpru ebiet. Ufọk-Abasi ama ọtọṇọ onyūñ ọkọri, tutu ekem ini “mfiak edem” ye unana Spirit Abasi.

### **Ukperedem Edim**

Mbemiso osim ini edifiak ndi Ọbọñ ye ini idọk, ekedi akpan ñkpọ ndifiak ndemere ufọk-Abasi. Abasi ama ọñwọñọ Ukperedem Edim.

“Eme ime ndien, nditọ ete, tutu Ọbọñ edi. Sese, ọtọ iñwañ etie ebet eti mbuñwum isọñ, onyūñ eme anyan ime, tutu enye okut akpa ye ukperedem edim” (James 5:7).

Ke ọfiọñ April ke isua 1906, ata ediwak nditọ Abasi ema ebobo ke obio Los Angeles, ke California ye ke ediwak ufọk-Abasi, enyūñ ebọñ akam ebeñe Abasi ndiñwaña Spirit Esie ye edidemere nnọ ofuri ererimbot. Ọkwọṛọ-ikọ Abasi kiet emi okotode ke mboho edidemere ke Wales edi ke Los Angeles ke ini oro ama akpak mmọ oro ete yak esọñọ ebọñ akam. Ediwak mboho ubọñ akam ama odu ke mme ufọk-Abasi, ndusuk ekeme ndidi ke ofuri ererimbot ke ini oro, emi ekebọñde akam eyom Odudu Edisana Spirit ye akwa edidemere. Edi ekpri otu owo ema edu emi ema ekebọ edinam-asana emi ekesiode usen duop enim man ebọñ akam ebeñe uduọk-mmọñ Edisana Spirit. Kpukpru mmọ ekedu ke esit kiet, mmọ ema enim ete edieke mmimọ ibọde enọ usen Pentecost ke mmimọ iyebo idiọñọ edisem ke mme usem ñko kpa nte ikutde ke Utom Mme Apostle 2:4. Abasi ama efik otu emi idiọñọ Esie.

Joel ke ntīñ-nnim ikọ esie eketiñ ete ke Ukperedem Edim emi edidi ke akpa ọfiọñ. “Abib” edi akpa ọfiọñ mme Jew, me, ọfiọñ April nnyin.

Ke ọyọḣọ usen usukkiet ke ọfiọñ April ke isua 1906, Odudu emi ama odoro ekpri otu emi ke idem kpa ke ekpri itie eke mmọ ekebonode ke efak Bonnie Brae. Ediwak mmọ ema ebọ Odudu Edisana Spirit enyūñ etiñ ikọ ke mme usem kpa nte spirit ọkọṇode mmọ ukeme nditiñ. Utibe odudu Abasi ama ayarare ke usen emi. Ema etiñ ebaña utibe-ñkpọ emi ke ediwak itie ke mme idut efen. Mme ukpọñ nsat-itọñ ema ekop enyūñ edi tutu ekpri ufọk eke mmọ ekebonode ikemke mmọ aba. Mmọ ebọ ebiet efen emi okponde ke ukpe okuk ke efak Azusa; ekedi usuhọre itie, edi do ke mmọ ekebọ Edisana Spirit.

Abasi ke ọnọṇọ mmọ emi enimde ke akpanikọ uduọk-mmọñ Edisana Spirit ke ukem usuñ emi. Ema enọ Akpa ye Ukperedem Edim. Ọtọ-iñwañ emi ama ekebet anyan ini abaña nsọñ-urua mfri esie, idibiatke ini aba. Jesus ke ọsọ edi!

### **MME MBUME**

1. Nso mbeñeidem ke owo ekeme ndinam man enye odot ndibọ Uduọk-mmọñ Edisana Spirit?
2. Siak itie ke Ñwed Abasi emi ọsọñode ete nditiñ ikọ ke mme usem edi kiet ke otu mme idiọñọ emi owutde Uduọk-mmọñ Edisana Spirit?
3. Nte editiñ ikọ ke mme usem edi idiọñọ emi eneñerede ọsọñọ Uduọk-mmọñ Edisana Spirit?
4. Ewe itie ke Ñwed Abasi owut ete ke Uduọk-mmọñ Edisana Spirit osuk edi se inyenede nnyin mfin emi?
5. Ini ewe ekedi ini Akpa Edim Spirit? Eke Ukperedem Edim Spirit?
6. “Ukperedem edim ke akpa ọfiọñ”, ọwọṛọ didie?
7. Didie ke ekeme ndida Joel ndomo ye mme andiwet mme ñwed eken ke Akani Ediom?
8. Nte editiñ ikọ ke mme usem ke ini owo ọbode Uduọk-mmọñ Edisana Spirit edi ukem ye enọ edisem mme usem?
9. Ke nso oruk ufọñ ke Abasi ọkọṇọ akpa ye ukperedem edim?
10. Owo ifań ekekabade esit ke usen Pentecost?
11. Owo ifań ekebọ Uduọk-mmọñ Edisana Spirit ke Usen Pentecost?